



# ՊԱՏԻՎ ՈՒՆԵՄ



ՀԻՄՆԱՎՈՐ ՊԵՏԵԼԻՔՈՎ ԴԵՊՒ ԱՐԺԱՆԱՊԱՏԻՎ ԾԱՌԱՅՈՒԹՅՈՒՆ Թիվ 9(40), 31 հոկտեմբեր, 2021թ.

ՀՀ ՈՍՏԻԿԱՆՈՒԹՅԱՆ ԿՐԹԱՅԱՍԱԼԻՐԻ ՊԱՇՏՈՆԱԹԵՐԹ

## ԿՐԹԱՅԱՍԱԼԻՐԻ ԾԱՌԱՅՈՂՆԵՐԸ ԵՐԵՒԱՆԵՐԻ ԱԶԱԿՑՈՒԹՅԱՆ ԿԵՆՏՐՈՆՈՒՄ



Հոկտեմբերի 20-ին ՀՀ ոստիկանության կրթահամալիրի ակադեմիայի իրավագիտության ֆակուլտետի բակալավրիատի առկա անվճար ուսուցման 4-րդ կուրսի սովորողների «Ընտանիքում բռնության և անչափահասների կողմից կատարվող իրավախախտումների կանխարգելումը» առարկայի գործնական պարապմունքը ՀՀ ոստիկանության կրթահամալիրի ակադեմիայի ՕԶԳ և քրեագիտության ամբիոնի ղոցենտ, ոստիկանության գնդապետ Ա.Սահակյանի կողմից անցկացվեց Հայաստանի Հանրապետության հայ օգնության ֆոնդի երեխաների աջակցության կենտրոնում՝ նպատակ ունենալով ամրապնդել սովորողների ձեռք բերած տեսական գիտելիքները:

Մտվորողները տեղում համոզվեցին ոստիկանության աշխատակցի՝ տվյալ գործընթացում ունեցած առանցքային դերակատարման մեջ:

Դասախոսության ժամանակ սովորողների մերկայացվեցին այն հանգամանք-

## ՄԵԿՆԱՐԿԵՑ ՀԱՐՑԱԶԻՐՈՒՅՑԻ ՓՈՒԼԸ



Հոկտեմբերի 11-ին ՀՀ ոստիկանության կրթահամալիրում մեկնարկեց պարեկային ծառայությունում պաշտոնի նշանակվելու համար ուսուցման և վերապատրաստման մրցույթի երրորդ փուլը՝ հարցազրույցը: Հարցազրույցի փուլ է անցել ընդունելության նախորդ երկու փուլերում դրական միավորներ հավաքած 828 դիմորդ:

Հարցազրույցի ընթացքում հանձնաժողովը նախապես հաստատված հարցաշարի միջոցով ստուգում է դիմորդների հոգեբանական կայունությունն ու ինքնատիրապետումը, հաղորդակցության կարողությունները, ինչպես նաև բարեվարքությունն ու ընդհանրական պատկերացումներ արժեհամակարգի մասին:

Հաջողություն ենք մաղթում դիմորդներին:

## ԿՐԹԱՅԱՍԱԼԻՐԻ ԾԱՌԱՅՈՂՆԵՐԸ ՎԵՐԱՊԱՏՐԱՍՏՎԵՑԻՆ ՉԵՒԻԱՅԻ ՀԱՆՐԱՊԵՏՈՒԹՅՈՒՆՈՒՄ

Հոկտեմբերի 10-15-ը Չեխիայի Հանրապետության ոստիկանության անվտանգության զարգացման ծրագրի շրջանակներում «Դեպքի վայրի զննություն» թեմայով վերապատրաստում անցնելու նպատակով Չեխիայի ոստիկանության ուսումնական և վերապատրաստման վարչության Պարոլիցիի ուսումնական կենտրոն էին այցելել ՀՀ ոստիկանության կրթահամալիրի ծառայողներ՝ ոստիկանության փոխգնդապետ Գրիգորի Դավթյանը, ոստիկանության մայոր Գարիկ Խուդոյանը, ոստիկանության փոխգնդապետ Մերի Մանուկյանը, ոստիկանության մայոր Ազատ Բազրատյանը, ոստիկանության մայոր Լուսինե Սարգսյանը, ոստիկանության մայոր Ալիսա Սմբատյանը, ոստիկանության մայոր Արթուր Հակոբյանը, ոստիկանության կապիտան Նվարդ Վարյանը և ոստիկանության կապիտան Դավիթ Խաչատրյանը: ՀՀ ոստիկանության միջազ-

րակ, մասնակցեցին նաև Ոստումնական կենտրոնի պայթյունատեխնիկական բաժնի կազմակերպած դասընթացին: Ընդունող կողմի նախաձեռնությամբ ՀՀ ոստիկանության ներկայացուցիչներն այցելեցին Չեխիայի Հանրապետության ոստիկանության Պարոլիցիի վարչություն, որտեղ իրական պայմաններում վարչության քրեագիտական տեխնիկայի բաժնի աշխատակիցները ծանոթացրին իրենց ամենօրյա ծառայության մանրամասներին, գործառույթային պարտականություններին և կիրառվող նյութատեխնիկական միջոցներին: Հանրավորություն ընձեռվեց նաև ծանոթանալու վարչությունում գործող արագ արձագանքման կենտրոնի աշխատանքներին: Գործուղման վերջին օրն այցելություն կազմակերպվեց Չեխիայի ոստիկանության քրեագիտության ինստիտուտ, որտեղ աշխատակիցները ներկայացրին ինստիտուտի



գային համագործակցության վարչության պետի տեղակալ, ոստիկանության գնդապետ Արմեն Սեդրակյանի գլխավորությամբ: Դասընթացների ժամանակ պատվիրակության անդամները հանդիպեցին Ոստումնական կենտրոնի պետ, գնդապետ Յիրի Ֆեյշարի հետ, որը ներկայացրեց կենտրոնի կառուցվածքը և ուսումնական ծրագրերը: Այցի ընթացքում պատվիրակությանը մանրամասն ներկայացվեցին կրիմինալիստիկայի և իրավագիտության բաժնի ուսումնական ծրագրերը, դասավանդման մեթոդիկան և նյութատեխնիկական բազան: Վերապատրաստվողներն այցելեցին գործող փորձակայաններ, մասնագիտացված լսարաններ, հատուկ վարժանքների համար նախատեսված բացօթյա հրապա-

փորձագիտական տարբեր ոլորտների փորձաքրեագիտական լաբորատորիաները, մասնագիտական նրբությունները և կիրառվող ժամանակակալից սարքավորումները: Նույն օրը կայացավ նաև պատվիրակության հանդիպումը ՀՀ ոստիկանության ուսումնական և վերապատրաստման վարչության աշխատակիցների հետ, որի ընթացքում պայմանավորվածություններ ձեռք բերվեց շարունակել համագործակցությունը: Դասընթացի ավարտի կապակցությամբ վերապատրաստվողներին տրվեցին ավարտական հավաստագրեր: Այցից ձեռք բերած լավագույն փորձն ու գիտելիքներն այսուհետ կկիրառվեն նաև ՀՀ ոստիկանության կրթահամալիրի ուսումնական ծրագրերում:

## ԵԱՀԿ ՊԱՏՎԻՐԱԿՈՒԹՅԱՆ ԱՅՑԸ ՀՀ ՈՍՏԻԿԱՆՈՒԹՅԱՆ ԿՐԹԱՅԱՍԱԼԻՐ

Հոկտեմբերի 19-ին ՀՀ ոստիկանության կրթահամալիր էին այցելել ԵԱՀԿ Քարտուղարության ոստիկանությանն առնչվող ռազմավարական հարցերի բաժնի համայնքային ոստիկանության գծով խորհրդատու Մոնա Նորդբերգը և ծրագրի ազգային համակարգող Ռուզաննա Բաղդասարյանը: Հյուրերին դիմավորեցին Կրթահամալիրի պետի պարտականությունների ժամանակավոր կատարող, ոստիկանության փոխգնդապետ Միսակ Մարկոսյանը, ուսումնամեթոդական և զարգացման վարչության պետ, ոստիկանության մայոր Ար-

տակ Մնացականյանը, միջազգային համագործակցության և ՏՏ ներդրման բաժնի պետ, ոստիկանության փոխգնդապետ Գրիգորի Դավթյանը: Մ. Մարկոսյանն այցելուներին ներկայացրեց ՀՀ ոստիկանության կրթահամալիրում իրականացվող ուսումնական ծրագրերը և կառուցվածքը: Կողմերը քննարկեցին երկուստեք հետաքրքրություն ներկայացնող հեռանկարային ծրագրեր, որոնք առնչվում են ինչպես իրականացվող կրթական ծրագրերին, այնպես էլ դասավանդող անձնակազմի վերապատրաստմանը:

### ՀՀ ՈՍՏԻԿԱՆՈՒԹՅԱՆ ԿՐԹԱՀԱՄԱԼԻՐԻ ՈՒՍՈՒՄՆԱՍԵԹՈՂԱԿԱՆ ԵՎ ԶԱՐԳԱՅՄԱՆ ՎԱՐՉՈՒԹՅՈՒՆԸ ՆՈՐ ՊԵՏ ՈՐԵՏ

ՀՀ ոստիկանության կրթահամալիրի գիտական աշխատանքների բաժնի պետ, իրավաբանական գիտությունների թեկնածու, դոցենտ, ոստիկանության մայոր Արտակ Մնացականյանը 06.10.2021 նշանակվել է ՀՀ ոստիկանության կրթահամալիրի ուսումնամեթոդական և զարգացման վարչության պետի պաշտոնին:



Ա.Մնացականյանը ծառայության ընթացքում միշտ աչքի է ընկել աշխատասիրությամբ և նորարար մոտեցումներով, հեղինակ է մի շարք գիտական աշխատությունների:

Նորընծա վարչության պետին մաղթում ենք բեղուն, մասնագիտական ձեռքբերումներով լի աշխատանքային գործունեություն:

### ԱՄՆ ԴԵՍՊՊԱՆԱՏԱՆ ՆԵՐՎԱՅԱՑՈՒՑԻՉՆԵՐԻ ԱՅՑԸ ՀՀ ՈՍՏԻԿԱՆՈՒԹՅԱՆ ԿՐԹԱՀԱՄԱԼԻՐ

Հոկտեմբերի 1-ին ճանաչողական այցով ՀՀ ոստիկանության կրթահամալիրում էին ԱՄՆ դեսպանատան թմրամիջոցների դեմ պայքարի և իրավապահ համագործակցության ծրագրի ղեկավար Ալեքսիս Չաֆֆլանին, նույն ծրագրի իրավական հարցերով ավագ խորհրդատու Ադի Չոլվեյը և փորձագետ Կարինե Քեշաբյանը, ինչպես նաև ՀՀ ոստիկանության շտաբի միջազգային համագործակցության վարչության պետի տեղակալ, ինքը և միջազգային կազմակերպությունների հետ համագործակցության բաժնի պետ, ոստիկանության գնդապետ Արմեն Սեդրակյանը:



Հոկտեմբերի 30-ին ՀՀ ոստիկանության կրթահամալիրում տեղի ունեցավ Կրթահամալիրի ակադեմիայի, քոլեջի և ուսումնական կենտրոնի նորակազմի սովորողների երդման հանդիսավոր արարողությունը: Արարողությանը ներկա էին Կրթահամալիրի ղեկավար կազմը, սովորողների հարազատներն ու ընկերները:

Հանդիպումը շարունակվեց Մ. Մարկոսյանի աշխատասենյակում, որտեղ նա ներկայացրեց Կրթահամալիրի կառուցվածքը, իրականացվող ուսումնական ծրագրերը, առանձնակի մանրամասնությամբ անդրադարձավ նոր պարեկային ծառայության ուսումնական գործընթացին, նյութատեխնիկական ապահովվածությանը և կուտակված փորձին:

### ՀԻՄՆԱՎՈՐ ԳԻՏԵԼԻԶՈՎ ԴԵՊԻ ԱՐԺԱՆԱՊԱՏԻՎ ԾԱՌԱՅՈՒԹՅՈՒՆ



Հիմնականում ծառայության ընթացքում միշտ աչքի է ընկել աշխատասիրությամբ և նորարար մոտեցումներով, հեղինակ է մի շարք գիտական աշխատությունների:

Նորընծա վարչության պետին մաղթում ենք բեղուն, մասնագիտական ձեռքբերումներով լի աշխատանքային գործունեություն:

Սեպտեմբերի 30-ին ՀՀ ոստիկանության կրթահամալիրում տեղի ունեցավ Կրթահամալիրի ակադեմիայի, քոլեջի և ուսումնական կենտրոնի նորակազմի սովորողների երդման հանդիսավոր արարողությունը: Արարողությանը ներկա էին Կրթահամալիրի ղեկավար կազմը, սովորողների հարազատներն ու ընկերները:

Հիմնականում ծառայության ընթացքում միշտ աչքի է ընկել աշխատասիրությամբ և նորարար մոտեցումներով, հեղինակ է մի շարք գիտական աշխատությունների:

### ԳԻՏԱԿԱՆ ԽՄԲԱԿԻ 2021-2022 ՈՒՍԱՐԿԱ ԱՌԱՋԻՆ ՆԻՍՏԸ

2021 թվականի հոկտեմբերի 22-ին տեղի ունեցավ ՀՀ ոստիկանության կրթահամալիրի ակադեմիայի պետության և իրավունքի տեսության և սահմանադրական իրավունքի ու վարչական իրավունքի և ոստիկանության վարչական գործունեության ամբիոններին կից գործող պետաիրավական առարկաների գիտական խմբակի 2021-2022 ուստարվա առաջին նիստը:

Դիտական խմբակի նիստի թեման էր «Կանոնադրական և տղամարդկանց հավասար իրավունքներ և հնարավորություններ»:

Նիստին ներկա էին Կրթահամալիրի ակադեմիայի պետության և իրավունքի տեսության և սահմանադրական իրավունքի ամբիոնի պետի պարտականությունների ժամանակավոր կատարող, ոստիկանության փոխգնդապետ Ա. Սաֆարյանը, նույն ամբիոնի ավագ դասախոս, ոստիկանության փոխգնդապետ Մ. Մանուկյանը, վարչական իրավունքի և ոստիկանության վարչական գործունեության ամբիոնի պետ, ոստիկանության մայոր Գ. Խուրդյանը, նույն ամբիոնի դասախոս, ոստիկանության մայոր Ա. Մարգարյանը, Կրթահամալիրի գիտական աշխատանքների բաժնի գիտաշխատող, ոստիկանության կապիտան Ն. Վարդանյանը, մարդու իրավունքների պաշտպանի աշխատակազմի քրեական արդարադատության ոլորտում իրավունքների պաշտպանության վարչության առաջատար մասնագետ Սոֆյա Զախարյանը, ՀՀ ոստիկանության Հրազդանի բաժնի Ծաղկաձորի բաժանմունքի պետ, ոստիկանության մայոր Ժաննա Շահնազարյանը:

Նշված թեմայով գիտական զեկույցով հանդես եկավ մարդու իրավունքների պաշտպանի աշխատակազմի քրեական արդարադատության ոլորտում իրավունքների պաշտպանության վարչության առաջատար մասնագետ Սոֆյա Զախարյանը: Նա ներկայացրեց մարդու իրավունքների պաշտպանի հաստատության դերը և անդրադարձավ կանոնադրական իրավունքների ապահովման ոլորտում պաշտպանի աշխատակազմի կողմից արձանագրված խնդիրներին:

Գիտական նյութը ներկայացնելուց հետո նիստի մասնակիցների կողմից զեկույցողին ուղղվեցին հարցեր, որոնց տրվեցին սպառնալից պատասխաններ:



### ԴԱՏԱՆԱԴ - ՄՐՅՈՒՅԹ



Արդեն 6-րդ տարին է, որ ՀՀ ոստիկանության կրթահամալիրն անընդմեջ մասնակցում է Միջազգային համագործակցության գերմանական հիմնադրամի (IRZ) և ԵՊՀ իրավագիտության ֆակուլտետի կողմից կազմակերպվող քրեական իրավունքի և քրեական դատավարության հիմնախնդիրներին նվիրված մրցութային-դատախաղին:

Այս տարի դատախաղի գրավոր փուլը հաղթահարել էին հայտ ներկայացրած բուհերի թիմերից միայն 5-ը, այդ թվում ՀՀ ոստիկանության կրթահամալիրի ակադեմիայի «Ex Lege» թիմը: Կրթահամալիրի ակադեմիայի թիմի կազմում ընդգրկված էին ակադեմիայի իրավագիտության ֆակուլտետի անվճար ուսուցման 4-րդ կուրսի սովորողներ Սերոբ Ազատյանը, Հակոբ Քոչարյանը և Արևիկ Հարությունյանը: Թիմի մարզիչն էր ՀՀ ոստիկանության կրթահամալիրի դասախոս, ոստիկանության կապիտան Նվարդ Վարյանը:

Սեպտեմբերի 24-ից 25-ն անցկացվեց դատախաղի բանավոր փուլը, որի ժամանակ ՀՀ ոստիկանության կրթահամալիրի ակադեմիայի «Ex Lege» թիմը հանդես եկավ որպես մեղադրանքի կողմ ԱրՊՀ «Արցախ» թիմի հետ խաղում և որպես պաշտպանության կողմ Հայ-ռուսական համալսարանի «ՀՌՀ» թիմի հետ խաղում: Ինչպես և նախորդ տարիներին, այս տարի ևս միջբուհական դատախաղ-մրցույթի ավարտին մասնակից թիմերի անդամներին հանձնվեցին պատվոգրեր և մրցանակներ դատախաղի կազմակերպիչների, ՀՀ տարբեր կառույցների և պաշտոնատար անձանց կողմից:

Հպարտությամբ նշենք, որ «Լավագույն պաշտպանական ծառ» անվանակարգում հաղթեց ՀՀ ոստիկանության կրթահամալիրի ակադեմիայի «Ex Lege» թիմի անդամ Սերոբ Ազատյանը:

# ԲԱՅ ԴԱՍ՝ ՆԿԻՐՎԱԾ ԱՊՅ-Ի ԿԱԶՄԱՎՈՐՄԱՆ 30-ԱՄՅԱԿԻՆ



**2021** թ. սեպտեմբերի 29-ին ՀՀ Նստիկանության կրթահամալիրի քոլեջի 2-րդ կուրսում անցկացվեց ԱՊՅ-ի կազմավորման 30-ամյա-կին նվիրված բաց դաս՝ համա-

ծայն ԱՊՅ անդամ երկրների կրթության ոլորտում համագործակցության խորհրդի 2020թ. հոկտեմբերի 21-ի նիստում կայացված որոշման: Միջոցառման նախաձեռնու-

թյունը լեզուների ամբիոնի պետ, ուստիկանության գնդապետ Ա. Հայրապետյանին էր: Դասը մշակեց և վարեց լեզուների ամբիոնի դասախոս, ուստիկանության մայր, մանկավարժական գիտությունների թեկնածու Մ. Առաքելյանը: Զննարկում անցկացրեց հրավիրված դասախոս, պատմական գիտությունների դոկտոր Ռ. Սահակյանը: Դասին ներկա էր ՀՀ Նստիկանության քոլեջի ֆակուլտետի պետ, ուստիկանության կապիտան, իրավաբանական գիտությունների թեկնածու Վ. Սալայանը:

Բաց դասին ներկայացվեցին ԱՊՅ-ի ստեղծման պատմությունը, կառույցի գործառնությունները, դրոշը, նախաձեռնությունները և Հայաստանի Հանրապետության

դերը ԱՊՅ-ի կազմում: Ուսումնական գործընթացն իրականացվեց բացատրության, էլեկտրոնային նյութերի ցուցադրության, խմբային աշխատանքի և քննարկում-բանավեճի միջոցով: Սովորողները հանդես եկան ԱՊՅ-ի վերաբերյալ հետաքրքիր տեղեկություններով, ապա քննարկման փուլում բազմաթիվ հարցեր ուղղեցին պատմական գիտությունների դոկտոր Ռ. Սահակյանին:

Միջոցառումը բավականին ուսուցողական էր և նպաստեց սովորողների ընդհանուր զարգացմանը: Ուստիկանության կապիտան Վ. Սալայանը բարձր գնահատեց բաց դասի անցկացումը՝ ընդգծելով նման միջոցառումների դերը բազմագիտակ ուստիկանի կերտման գործում:

## ԳԻՏԱԿԱՆ ԽՈՐՀՐԴԻ 11-ՐԴ ՆԻՍԱԸ

Սույն թվականի հոկտեմբերի 5-ին տեղի ունեցավ ՀՀ Նստիկանության կրթահամալիրի գիտական խորհրդի 2021 թվականի 11-րդ նիստը:

Օրակարգի հարցերի քննարկման արդյունքում գիտական խորհուրդը որոշեց փոփոխություններ կատարել «Ուստիկանական գործ» մասնագիտության «Պարել» որակավորման նախնական մասնագիտական կրթական ծրագրով ուսուցման և դրան համապատասխան լրացուցիչ կրթական ծրագրով վերապատրաստման ընթացքում ստուգարքների և դիֆերենցիալ ստուգարքների անցկացման կարգում, քննարկվեց նաև ակադեմիայի 2 նախկին սովորողների վերականգնման հարցը:

## ՀԱՍԱՌ, ՀԵՏԱԶՐՔՐԱՍԵՐ, ՆՊԱՏԱԿԱՍԼԱՑ

«Կրթահամալիրի սովորողները» խորագրով նոր նախագծի շրջանակներում այս անգամ զրուցել ենք ՀՀ Նստիկանության ակադեմիայի իրավագիտության ֆակուլտետի առկա ամբիոնում ուսուցման 4-րդ կուրսի 2-րդ դասակի սովորող, ուստիկանության ավագ սերժանտ Արևիկ Հարությունյանի հետ: Գնացիք...

**- Խոսենք մանկությունից: Ինչպիսի՞ն էր այն, ո՞վ էր քո հերոսը:**

Մանկությունն բավականին տպավորված է հիշողությանս մեջ: Շատ ակտիվ, աշխույժ, չարածիճի և, միաժամանակ, նեղացկոտ երեխա եմ եղել:

Կոժվարանամ մշել կոնկրետ հերոսի, բայց ինչպես ցանկացած հետաքրքրասեր երեխա, ես նույնպես տարված եմ եղել տարբեր հեքիաթներով, հրաշագործություններով, անեղծվածային կերպարներով, որոնց փորձել եմ նմանվել:

**- Ինչպիսի՞ն էին դպրոցական տարիները: Կպատմե՞ս այդ տարիներից:**

Դպրոցական տարիները նույնպես շատ հետաքրքիր են անցել լի բազում արկածներով: Երբեք չեմ տրոնջացել և յուրաքանչյուր օր մեծ սիրով եմ դպրոց հաճախել: Ունեցել եմ գերազանց առաջադիմություն, հաճախել եմ տարբեր խմբակների, բայց դա ինձ չի խանգարել տարատեսակ շարաճճիություններ անել՝ շատախոսել, վիճաբանել, դասերից փախչել:

**- Գիրք ո՞ր գիրք է, որ երկրորդ անգամ կընթերցես:**

Առհասարակ գրքեր կարդալ շատ եմ սիրում: Վերջերս ընթերցել եմ Ալեքս Մայքլիի «Լոռայացի հիվանդը» գիրքը, որից բավականաչափ տպավորված եմ: Կարծում եմ՝ մեծ հաճույքով ևս մեկ անգամ կվերընթերցեի:

**- Խոսենք նախասիրություններից: Ի՞նչն է, որ մի քանի ժամով քեզ կտրում է իրական կյանքից:**

Նախասիրություններ շատ ունեմ, հատկապես՝ ընթերցանությունը, նկարելը (որն այդքան էլ չի ստացվում), դաշնամուր նվագելը, ֆիլմեր դիտելը...

Կարծում եմ՝ այն, ինչ ինձ ստիպում է կտրվել իրական կյանքից, ընթերցանությունն է:

**- Ո՞րն է ուստիկան դառնալու քո շարժառիթը:**

Ուստիկան դառնալու իմ շարժառիթը հայտնիքիս արժանապատիվ ծառայելու, արդարության ու հավասարության հասնելու ձգտումն է, որի իրագործման ինձ կարող է օգնել հենց այս մասնագիտությունը:

**- Եթե հնարավորություն տրվեր փոխելու մասնագիտությունը, ի՞նչ կընտրեիր:**

Կարծում եմ՝ կամ դաշնակահարուհի կդառնայի, կամ բժշ-



կուհի, բայց, իհարկե, ընտրեցի այն մասնագիտությունը, որն ինձ ավելի հոգեհարազատ է:

**- Թե՛նա, որի շուրջ անդադար կլիսես:**

Արվեստ, բնություն, ինքնաճանաչողություն, հոգեբանություն, որոնց մասին կարող եմ ժամերով խոսել:

**- Ինչի՞ մասին էիր երազում պատանեկության տարիներին:**

Իմ նպատակներով ու երազանքներով ձգտել եմ լինել այնպիսի անձնավորություն, որով առաջին հերթին կհպարտանամ ծնողներս, և կարծում եմ՝ ես դա ճանապարհին եմ:

**- Շարժառիթը ո՞րն է կյանքի շարժառիթը քեզ համար:**

Կյանքի շարժառիթն ինձ համար ինքս ինձ յուրովի բացահայտելն է, սեփական թերություններն հայտնաբերելն ու դրանց վերացման ուղիները գտնելն է:

**- Մի քանի բառով նկարագրիր Կրթահամալիրի սովորողի կերպարը:**

Որպես ապագա ուստիկան՝ Կրթահամալիրի սովորողը պետք է լինի կարգապահ, պատասխանատու, անձնուրաջ, պատրաստակամ, հավասարակշռված, համբերատար և ունենա համապատասխան գիտելիքների մեծ պաշար:

**- Ի՞նչ խորհուրդ կտաս նրանց, ովքեր ցանկանում են ընտրել Կրթահամալիրը:**

Խորհուրդ կտամ՝ ընտրություն կատարելուց բավականին երկար մտածեն, քանի որ կրթահամալիրում սովորելը շատ բարդ ու պատասխանատու գործընթաց է ենթադրում, բայց միաժամանակ հետաքրքիր և յուրահատուկ: Կրթահամալիրը խիստ տարբերվում է մյուս ուսումնական հաստատություններից, և ընտրելով ուստիկանի մասնագիտությունը՝ պետք է պատրաստ լինել բազում փորձությունների:

## «ԽԱԼԴ ԱՍԾՈՆ ՄԵԾՈՒԹՅԱՄ ԱՐԳԻՇԵՆ՝ ՄԵՆՈՒԱՅԻ ՈՐԴԻՆ, ԱՅՍ ԱՆԱՌԻԿ ԱՄՐՈՅԸ ԿԱՌՈՒՅԵՑ ԵՎ ԱՆՎԱՆԵՑ ԷՐԵՐՈՒՆԻ ԶԱՂԱՔ՝ Ի ՀՋՈՐՈՒԹՅՈՒՆ ԲԻԱՅՆԱ ԵՐԿՐԻ ԵՎ Ի ՍԱՐԱԹ ԹՇՆԱՄԻՆԵՐԻ»

Այս սեպագիր արձանագրությունն արդեն 2803 տարեկան է...



Այսօր Երեբունի-Երևանը 2803 տարեկան է: Մ. թ. ա. 9-րդ դարում Հայկական լեռնաշխարհի Վանա լճի ավազանում առաջացավ Վանի հայկական (Արարատյան) թագավորությունը՝ Ուրարտուն, Բիայնիլին: Պետության հիմնադիրը Արամե թագավորն էր: Վանի թագավորությունը ժամանակի ամենազարգացած տերություններից էր: Արգիշտի Առաջին արքան տիրակալության 5-րդ տարում կառուցեց այն որպես բերդաքաղաք: Առաջին բնակիչները 6600 զինվորներ էին: Արգիշտի Առաջինի թողած սեպագիր արձանագրությունը վկայում է. «Խալդ աստծո մեծությամբ Արգիշտին՝ Մենուայի որդին, այս անառիկ ամրոցը կառուցեց և անվանեց Երեբունի քաղաք՝ ի հզորություն Բիայնա երկրի և ի սարսափ թշնամիների»:

Արգիշտին ասում է. «Հողն ամայի էր, այստեղ ես մեծ գործեր կատարեցի: Խալդ աստծո մեծությամբ Արգիշտի՝ Մենուայի որդի, արքա հզոր, արքա Բիայնա երկրի, տերը Տուշպա քաղաքի»:

Պահպանված պատմական այդ արձանագրությունը հնարավորություն է տվել գիտնականներին հստակեցնելու Երևանի ծննդյան տարեթիվը: Երեբունի-Երևանը հիմնադրվել է Հռոմից 29 տարի առաջ, Բաբելոնի, Երևանի ու Պերսեպոլիսի հասակակիցն է, բայց, ի տարբերություն վերջիններիս, դարձել է 21-րդ դարի ծաղկուն քաղաքներից մեկը:

Երեբունի ամրոցը գտնվում է Արին Բերդ կոչվող բլրի վրա: Այն կառուցվել է մ. թ. ա. 782 թ. ուրարտական թագավոր Արգիշտի Առաջինի կողմից: 19-րդ դարում սկսվեցին բլրի պեղումները, որոնց ընթացքում հայտնաբերվեց այն սեպագիր արձանագրությունը՝ ըստ որի այժմյան Երևանի պատմությունն սկսվում է հենց այստեղից: Բլրի գագաթին գտնվող ամրոցի ավերակներն ու որմնակարները խոսում են այդ հետավոր դարերի բարձր զեղարվեստական նվաճումների մասին: Բլրի ստորոտին է գտնվում թանգարանը, որը ցուցադրում է պեղումների ընթացքում հայտնաբերված գտածոները:

Երեբունու հնչյունափոխությամբ դարձած Երևանը Հայաստանի Հանրապետության մայրաքաղաքն է և պատմական Հայաստանի տասներկուերորդ մայրաքաղաքը, որն աշխարհի հնագույն բնակավայրերից ու շարունակաբար բնակեցվող հին քաղաքներից մեկն է: Հնագիտական պեղումները վկայում

են, որ Երեբունին վարչական խոշոր կենտրոն էր՝ ամենազորը Արարատյան դաշտում:

Դարերի ընթացքում քաղաքը մնացել է կանգուն՝ անցնելով բազում արիավիրքների ու փորձությունների միջով: Անթիվ են եղել ասորիների, հռոմեացիների, բյուզանդացիների, պարսիկների, արաբների, սելջուկների, անդուլների ու թուրքերի ասպատակությունները, բայց ժողովուրդը շարունակում էր արարել՝ դիմակայելով բոլոր արիավիրքները: Չուզահեռաբար ստեղծվել է քաղաքակրթություն՝ արժեքավոր մշակույթով ու գիտությամբ:

Երևանն ասորեստանյան սեպագիր արձանագրություններում հայտնի է իբրև Ուրարտու, իսկ Աստվածաշնչում հիշատակվում է իբրև Արարատյան թագավորություն (Երեմիա, զլ. ԾԱ): Ապացույցի կարիք չկա. այս պատմությունը փաստագրված է քարի, կավի ու բրոնզի վրա գրված 600 սեպագիր տեքստերով: Մեզ հասած ուրարտական արդյունքներում Երեբունի անունը հիշատակվում է 12 անգամ:

Ասորվա նորեկուկ ելուզակներն իրեց խակ ուղեղով աշխարհին փորձում են համոզել, որ իրենք հնագույն ազգ են (թեև 100 տարի էլ չկա, որ գոյություն ունեն), և Հայաստանն իրենց հնագույն հայրենիքն է, բայց որքան էլ ավերեն, ջնջեն հետքերը, հո սեպագրերն էլ չեն կարող ջնջել:

Երևանն ունի իր «քարե անձնագիրը», որը ցուցադրված է Հայաստանի պատմության պետական թանգարանում. քաղաքի սկզբնավորումն ավետող բազալտի հնամայն քարի վրա փորագրված է. «Այս ամրոցը հոյակապ կառուցեցի»:

Հին Երևանի մասին պատկերացում ենք կազմում ոչ միայն հայ հեղինակների աշխատություններից (Եր. Շահագիզ «Հին Երևան», Թ. Հակոբյան «Երևանի պատմություն»), այլև եվրոպացի ճանապարհորդների գրքերից:

Ֆրանսիացի ճանապարհորդ ժամ Բատիստ Տավերնիեն, 1632-1662թթ. ընթացքում վեց անգամ լինելով Հայաստանում, գծել է քաղաքի հա- 4

Հարցազրույցը վարեց ուստիկանության ավագ լեյտենանտ Մարիետա Խերանյանը

«ՄԵՆՔ»-Ը ԴԱՐՁՆԵՆՔ ԳԱՂԱՓԱՐԱԽՈՍՈՒԹՅՈՒՆ

Լինես, մնաս ամենքի հետ, նրանց կամքին հպատակվես, «ես»-դ խառնես մեծ «Մենք»-ի հետ, նրանց ցավով լուռ տապակվես: Պարոյր Սևակ



Հաճախ եմ հարց տալիս, թե լինելով դարերի խորքից եկած ու դեպի դարերի դնացող փառապան ազգի զավակ՝ ո՞րն է իմ առաքելությունն այս մարտահրավերներով լեցուն դարում: Բազում տառապանքների ու փորձությունների ենթարկված իմ ժողովուրդը, որ քիչ է բանակով, բայց տաղանդավոր է ու արարող, ի՞նչ ծրագրերով պետք է առաջնորդվի, ո՞րն է յուրաքանչյուրիս սուրբ ու նվիրական անելիքը, որը պետք է հնարավորություն տա դիմակայելու

մեր թշնամիների հայակործան ու հայադավ նկրտումներին: Այսօր, երբ մարտերում կորցրել ենք մի խանդավառ երիտասարդություն, երբ հայ ժողովուրդն արնաքամ է եղել անհավասար մարտերում և կորցրել հայրենիքի մի զգալի մասը, առավել քան երբևէ պետք է լինենք միասնական «Մենք»-ը դարձնելով գաղափարախոսության հիմք: «Մենք»-ի գիտակցությամբ պետք է վերականգնենք սերը միմյանց հանդեպ, հարգանքն ու փոխըմբռնումը, հավատը գալիք օրվա հանդեպ: Խոհեմաբար պետք է հասկանալ, որ ժամանակ չկա երկմտելու, հապաղելու, որովհետև ցանկացած կասկածանք ու պառակտում կործանարար կլինի մեր ազգի, մեր պետականության համար: Երբեմն ամաչում եմ այն մտքից, որ հզոր մշակույթ ունեցող ազգս ունենում է հուսալքության պահեր, և շատերը հեշտ ու հանգիստ բռնում են օտարության ճամփաները: «Մենք»-ով պետք է կերտենք մեր վաղվա օրը, իսկ վաղվա լուսաբացները, հավատացած են, դեռ հաղթանակներով են բացվելու, բացվելու են մեր սիրագործություններով, իսկ դրան նպաստելու են մեր հավերժի ճամփորդ դարձած «լույս տղաների» անմահ հոգիները: Մենք, որ մեր գոյության ողջ ընթացքում ապավինել ենք մեր մեծ հավատին ու բազկին, իրավունք չունենք ընկրկելու, իրավունք չունենք դժվարին պահերին մենակ թողնելու երկիրը, լքելու սրբությունները:

Շուտով կբոլորի իմ տասնութ տարին, և կգորակոչվեմ հայոց բանակ՝ իմ պարտքը տալու հայրենիքիս ու ազգիս, և հպարտ եմ, որ հնարավորություն ունեմ երկու տարի պաշտպանելու իմ տարեկից տղաների արյամբ զօժված սահմանները, որ պատիվ ունեմ ծառայելու իմ ժողովրդին, հսկելու իմ օջախի խաղաղ բունը: Կոչս է իմ տարեկից ընկերներին՝ նորովի նայել կյանքին, վերանորոգվել հոգով, չզբաղվել ինքնախաբեությամբ և համուն մեր վաղվա հաղթանակների՝ ապրել, սովորել, գործել ու պայքարել՝ մեր անձնական «ես»-ը խառնելով մեծ «Մենք»-ին:

Ավետ Ավետիսյան ակադեմիա, 1-ին կուրս

«ԽԱԼԴ ԱՍՏՈՒ ՄԵԾՈՒԹՅԱՄ ԱՐԳԻՇԻՆ՝ ՄԵՆՈՒԱՅԻ ՈՐԴԻՆ, ԱՅՍ ԱՆԱՌԻԿ ԱՄՐՈՅԸ ԿԱՌՈՒՅԵՑ ԵՎ ԱՆՎԱՆԵՑ ԷՐԵՔՈՒՆԻ ԶԱՂԱՔ՝ Ի ՀՋՈՐՈՒԹՅՈՒՆ ԲԻԱՅՆԱ ԵՐԿՐԻ ԵՎ Ի ՍԱՐԱՓ ԹՇՆԱՄԻՆԵՐԻ»

3 տակագիծը և նկարագրել էրևանը՝ իբրև երկու-երեքհարկանի տներով կառուցապատված և պարտեզներով ու խաղողի այգիներով շրջապատված մի գոլորտիկ քաղաք: Երևանը մանրամասն նկարագրել է նաև 1673 թ. պարսից արքունի ակնագործ, ֆրանսիացի ճանապարհորդ Ժան Շարդենը, 1812թ. դիվանագետ Ֆրեյցանը, Անգլիացի ճանապարհորդ, աշխարհագրագետ Յենրի Լինչը երկու անգամ՝ 1893 և 1898 թվականներին, եղել է Հայաստանում, և իր տպավորություններն ամփոփել «Հայաստան» ակնարկների գրքում: ...1918թ. մայիսի 28-ին Երևանը հռչակվեց Հայաստանի Հանրապետություն, իսկ 1920թ. նոյեմբերի 29-ին՝ Խորհրդային Հայաստանի մայրաքաղաք, որը Խորհրդային Միության առաջին քաղաքն էր, որ ունեցավ գլխավոր հատակագիծ: Ակադեմիկոս Ալեքսանդր Թամանյանի հեղինակած գլխավոր հատակագիծը հաստատվեց 1924 թվականին. նախատեսված էր 150000 բնակչի համար:

Ժամանակի ընթացքում քաղաքի վարչական տարածքը մեծացավ 5 անգամ: Սկսվեց կառուցապատումը. Երևանը կառուցապատվում էր բազալտով, գրանիտով, մարմարով. ամենատարածված շինանյութը վարդագույն տուֆն էր: Եվ քանի որ այդ շինանյութն ինքնատիպ գունագեղություն ու առանձնահատուկ երանգ էր տալիս քաղաքին, Երևանն անվանեցին «վարդագույն քաղաք»: Հետագայում Երևանը դարձավ ոչ միայն անկախ Հայաստանի Հանրապետության, այլև աշխարհասփյուռ հայության մայրաքաղաք:

Խորհրդային Միության փլուզումից հետո Հայաստանը 1991թ. սեպտեմբերի 21-ին անկախ հռչակվեց, և Երևանը պահպանեց մայրաքաղաքի կարգավիճակը: Անկախությունը ձեռք բերվեց շատ

թանկ գնով. Շիրակի և Լոռվա մարզում 1988թ. դեկտեմբերի 7-ի երկրաշարժը խլեց ավելի քան 25.000 կյանք, 1990-1994թթ. Լեռնային Ղարաբաղի հակամարտությունը կործանեց հազարավոր կյանքեր: Երկիրն էներգետիկ ճգնաժամ ապրեց, շարունակական շրջափակումները համարյա քայքայեցին երկիրը՝ Երևանը զգեցրեց տևական քառուսի մեջ:

Երևանն անընդհատ փորձությունների է ենթարկվում, սակայն նորից շունչ է առնում, հնամենի քաղաքը նոր դեմք է ստանում՝ դառնալով աշխարհով մեկ սփռված տասը միլիոն հայ ազգի սիրտն ու ոգին:

«Էրեբունի-Երևան»-ի առաջին պաշտոնական տոնակատարությունն անցկացվել է 1968թ. հոկտեմբերին. նշվում էր մեր մայրաքաղաքի հիմնադրման 2750-րդ տարեդարձը: Միջոցառումները շատ էին, բազմազան ու բովանդակալից. հրատարակվեցին Երևանի պատմությունը ներկայացնող նոր գրքեր, էկրան բարձրացան Երևանի առօրյան արտացոլող նոր ֆիլմեր, բացվեցին ցուցահանդեսներ, ստեղծվեցին Երևանի մասին նոր երգեր, թողարկվեցին բազմապիսի հորեյանական հուշանվերներ: Գեղեցիկ միջոցառումներ էին ծաղկի տոնը, Երգի տոնը, որի ժամանակ 2750 հոգանոց երգչախումբն առաջին անգամ կատարեց «Էրեբունի-Երևան» օրհներգը: Այդ օրերի նշանակալի իրադարձություններից էր Երևանի հիմնադրման թանգարանի բացումը Արին-Բերդ բլրի ստորոտում: Թանգարանին հարող փողոցն անվանակոչվեց «Էրեբունի», բացվեց 2750 շատրվաններով պուրակը, աղբյուր-հուշարձան տեղադրվեց Հանրապետության հրապարակում, նախագծվեց «Էրեբունի» գորգը, 2750 ծառ տնկվեց Արին-Բերդի ստորոտում և, վերջապես, հորեյանական գանգվածային միջոցառումները եզրափակվեցին Հանրապետական մար-

զաղաշտում՝ հանրահավաք-տոնահանդեսով:

Ավանդական դարձած այս տոնը տարեցտարի դարձավ ավելի բազմաբնույթ, ավելի ժողովրդական: Երևանցիներից շատերը վկայեցին եմ այդ ամենաանախի տոնական օրերի և հանդիսությունների:

Այս տարի, հաշվի առնելով անախաղեպ պատերազմի արհավիրքները, համահայկական սուգը, «Էրեբունի-Երևան» տոնակատարությունը, բնականաբար, չկայացավ, 2021թ. բյուջեով «Էրեբունի-Երևան»-ի համար նախատեսված ֆինանսական միջոցներն ուղղվեցին «100 տուն Արցախում» ծրագրի աջակցմանը, Երևանի մշակութային հաստատությունների զարգացման ծրագրերին, «Էրեբունի» պատմահնագիտական արգելոց-թանգարանի և 90-ամյա հոբելյանը նշող Երևանի պատմության թանգարանի արդիականացման ծրագրերին:

Մենք դեռ շատ ենք տոնելու. կրուժվեն մեր հուզու խոր վերքերը, ավիրված տները նորից կշենաման, նորից կծաղկի Արցախ-Հայաստան աշխարհը: Շատ են փորձել Հայաստանը ջնջել աշխարհի քարտեզից, բայց չի հաջողվել. էլի՛ չի հաջողվել, մենք դեռ ասելիք ունենք: Եվ աշխարհը պիտի ընկալի, որ հայը զավթող չէ, հայը գոյության, իր հայրենիքը պահող զինվոր է, զինվոր, որ մինչև վերջին շունչը կյանքի գնով կպահպանի մայր հողը:

Հայաստանի պատմության մեծ գիրքը տառապանքի բազմաթիվ էջեր ունի: Եվ այնուամենայնիվ, չնայած այս բոլոր փորձություններին, որոնք կարող էին լրջորեն սպառնալ հայ ժողովրդի գոյատևմանը, հայերը ոչ միայն գոյատևեցին իրենց պատմության բոլոր փորձություններից, այլև ստեղծեցին աշխարհաճանաչ քաղաքակրթություն:

Արուսյակ Քոչարյան

ՄԵԾ ՀԱՎԱՏՈՎ



մարդուն վայել պահվածք: Թաքուն մի ակնածանք առաջացավ նրանց հանդեպ, և սկսեցի հետաքրքրվել ոստիկանի գործառույթներով, կրթությամբ և այն ամենով, ինչ վերաբերում էր այդ ոլորտին: Հիշում եմ մի գեղեցիկ օր էլ մտա տուն և ինքնագոհ գոչեցի՝ վերջ, որոշել եմ, ոստիկան եմ դառնալու: Մայրս, ում համար հայտարարությունս խիստ անպատասխան էր, տեղում ձգվեց ու մեղմ ժպտաց: Այդ պահին ինձ դժվար էր որոշել մայրիկս ուրախությունի՞ց ժպտաց, թե՞ իմ անակնկալ հայտարարությունից, բայց մի բան պարզ էր, որ վճիռս անբեկանելի է: Հաճախ էի ինձ պատկերացնում համազգեստով իմ հարազատ քաղաքի հրապարակով քայլելիս, իսկ մարդիկ ակնածանքով նայում էին ինձ ու ժպտում: Այսպես անհոգ, ապագայի հավատով անցնում էին տարիները, բայց պայթեց պատերազմը, և օրերն Արցախում այլ ընթացք ստացան: Միանգամից փոխվեց ամեն ինչ, հայրենի հողս ոտքերիս տակ գունափոխվեց, հրաշք բնաշխարհիս ծաղիկներն արմատներ կին, հողից անգամ արյան հոտ էր գալիս: Ազգիս լավագույններին հողն իր գիրկն առավ (պարզվում է՝ հողը էլ ընտրություն անել գիտի)... 44-

օրյա դաժան պատերազմը փոխեց բոլորիս կյանքի ռիթմը: Շատ կորուստներ ունեցանք, կորցրինք Արցախիս մեծ մասը, մարդիկ մնացին անտուն ու անօթևան, անհույս ու հոգով փշրված... Բայց ապրել էր պետք:

Շատ բան մտածվեց իմ մեջ, շատ բան փոխվեց, բայց ոստիկան դառնալու երազանքս ժամանակի հետ փոխվեց մոլուցքի, և ես արդեն ՀՀ ոստիկանության կրթահամալիրի ակադեմիայի իրավագիտության ֆակուլտետի սովորող եմ: Սովորողների շրջանում միակ արցախուհին էմ, և ընկերներս ինձ կոչում են «ղարաբաղցի աղջիկ», որն ինձ ավելի է պարտավորեցնում և ուրախացնում: Ամերկա որոշել եմ՝ շատ լավ եմ սովորելու և ուսումնառության ընթացքում բարձր եմ պահելու արցախցու պատիվն ու արժանապատվությունը, իսկ ուսումնա ավարտելուց հետո վերադառնալու եմ հայրենի Արցախ և մասնակցելու եմ հայրենիքիս շենագման ու բարգավաճման վեհ գործին:

Հավատում եմ Արցախիս հաղթանակներին, որովհետև ես ինձ ևս հավատում եմ:

Լուիզա Խաչատրյան ակադեմիա 1-ին կուրս

ՄՏԵՂՃԱԳՈՐԾՈՒՄ ԵՆ ՄԵՐՈՆԸ

ՀԱՐՍՏՈՒԹՅԱՆ ԳԱՂՏՆԻՔԸ

Ինձ գանձեր պետք չեն, գանձերը քիչ են, Ինձ մաքուր սրտի բերկրանքը տվեք, Առանց նվիրում կյանքս ոչինչ է, Ինձ զոհաբերման սխրանքը տվեք:

Գանձերը քիչ են, դրանք ոչինչ են, Ես չեմ լիանում կեղծ առատությամբ, Դուք ինձ նվիրեք աղքատ մաքրություն, Որ հարստանամ այդ աղքատությամբ...



Ռուսլան Մարանդյան


ԳԵՏԵՐԸ ԵՐԿՐԻՍ

Գետերը երկրիս գարուն են բերել, գարթոնք, ծաղիկներ, Ցողել են ամռան ջերմագույն արև, քնքաբարյուր հովեր, Մեղծորոր աշուն, հողդառատ անձրև, քամի են բերել Եվ ծյունե փափուկ վերմակի ներքո դանդաղել, նիհիլել:

Գետերը երկրիս նոր հուն են բացել, ճանապարհի հարթել, Խորհրդերորդեր են ջրի տակ անել, գաղտնիքներ պարպել, Անուշ կարկաչով դաշտեր են ջրել՝ ծաղիկներով լի, Ու դարձել լճեր մեր բազմաչարչար գրկում քարերի:

Գետերը երկրիս դառը հուշեր են իրենց մեջ պահել, Հայի արցունքից անեղ վարարել, ափեր են քանդել, Արյուն են տեսել, մահ ու կոտորած, անշունչ մարմիններ, Թշնամու ձեռքից հրաշքով փրկված բազմաթիվ կյանքեր:

Գետերը երկրիս մեր պանդխտության երգերն են լսել, Հողից կտրված անտուն, դեզերող ճամփորդ են տեսել, Հորձանուտի մեջ պղտորվել են միշտ խոր ցավերից, Իսկ հաղթանակի խաղաղ օրերին՝ գուլավել նորից:



Կարինե Կիրակոսյան ոստիկանության գնդապետ



Լրատվական գործունեություն իրականացնող ՀՀ ոստիկանության կրթահամալիր ՊՈՍԿ, հասցե՝ ք. Երևան, Ծովակալ Իսակովի փողոց, 29, հեռախոս՝ 010 77 08 73: Գրանցման վկայական՝ 29021003884:

Տպագրվել է «Տիգրան Մեծ» ՓԲԸ-ում՝ Աղշակունյաց 2: Ծավալը՝ 1 մամուլ: Տպագրվել է 300 օրինակ: Ստորագրված է տպագրության 31. 10. 2021թ.: Համակարգչային շարվածքը՝ «Պատիվ ունեմ» ամսաթերթի: Գլխավոր խմբագիր՝ Ռ. Մուսայելյան: Պատասխանատու քարտուղար՝ Արուսյակ Քոչարյան: